

SCRIPTA

Numéro Scripta : 8080

Auteur(s) : Le Mans (official)

Bénéficiaire(s) : Soligny-la-Trappe, Notre-Dame de La Trappe (abbaye)

Genre d'acte : charte

Authenticité : non suspect

Datation : 1244

Action juridique : autre

Langue du texte : latin

Analyse

L'official du Mans notifie la vente faite à l'abbaye de la Trappe, par Raoul de Foumecon, prêtre, et Renaud, son frère, pour le prix de quatre-vingt livres du Mans et à charge de diverses redevances, d'une terre dépendant du fief de Guillaume de Poillé, chevalier, sise dans la paroisse de Saint-Mars-de-Ballon.

Tableau de la tradition

Éditions principales

a. Charencey Hyacinthe (Comte de), *Cartulaire de l'Abbaye de Notre-Dame de la Trappe*, publié d'après le manuscrit de la Bibliothèque Nationale, Alençon, Renaut de Broise (Société historique et archéologique de l'Orne), 1889, M. « De Baladone », n° XXX, p. 337-339.

Texte établi d'après a

Universis presentes litteras inspecturis, officialis curie cenomannensis, salutem in Domino. Noveritis quod, in presentia nostra constituti, Rad[ulfus] de Fomucon, presbyter, et Rag[inaldus], frater ejus, vendiderunt in jure abbati et conventui de Trappa, cisterciensis ordinis, sagiensis diocesis, quamdam terram sitam in parochia Santi Medardi de Baladone, in feodo Guillelmi de Poelleio, militis, ut dicitur, prout dividitur a vineis dictorum monachorum, ex una parte, et chemine qui ducit de Baladone ad Percium, ex altera ; et vendiderunt predicti Rad[ulfus] et Rag[inaldus] predictis monachis dictam terram pro quater viginti libris turonensium, de quibus coram nobis Rad[ulfus] et Rag[inaldus] in jure tenuerunt se pro pagatis in denariis numeratis, exceptioni non numerate pecunie et non tradite et non recepte renunciante in jure, coram nobis, specialiter et expresse. Et de dicta terra et de omni jure et dominio que in ea habebant et habere poterant, dessaisierunt se in jure coram nobis, et abbatem dicte abbacie, nomine dictorum monachorum, saisierunt manualiter de eisdem, omne jus, dominium et proprietatem, possessionem naturalem et civilem, actionem realem et personalem que et quas habebant et habere poterant in eadem, in dictos abbatem et monachos transferendo, nichil sibi et suis heredibus retinente. Et tenentur predicti Rad[ulfus] et Rag[inaldus] garantizare, defendere pariter et garire dictis monachis dictam terram contra omnes, quantum jus dictabit, ad tredecim denarios cenomannenses censuales reddendos singulis annis domino feudali, cum aliis servitiis debitis domino feudali et aliorum superiorum dominorum, et II solidos turonensium annui redditus reddendos abbacie de Persenia, et tres solidos turonensium annui redditus reddendos ipsis monachis de Trappa, sine alia redditione ; se et heredes suos, et omnia bona sua, mobilia et immobilia, presentia et futura, quoad hoc obligando. Et, si, ob defectum garantizandi, defendendi seu gariendi, dicti monachi aliqua dampna sustinerint, vel sumptus et expensas fecerint, in placito vel extra placitum, dicti Rad[ulfus] et Rag[inaldus] ea tenentur eis resarcire et plenarie satisfacere de eisdem, ad plenum dictum procuratoris ipsorum post sacramentum, sine alia probatione, se et heredes suos et bona sua, quoad hoc, obligando. Et de premissis tenendis et de non veniendo contra, predicti Rad[ulfus] et Rag[inaldus] tenentur, fide prestita corporali ; et, de voluntate [eorum], nos, et ad petitionem ipsorum,

supradicta sempiternaliter tenenda decernimus et ea sigillo curie cenomannensis fecimus sigillari. Actum anno Domini M° CC° XL° quarto.